

涼州副總兵呂經為署都督僉事總兵官鎮守甘肅

南兵部尚書江東以寬懦被劾戒諭坐營都督徐珏改南右  
府僉事進浙直副總兵劉顯署都督僉事提督振武營以私  
卒五百人往

乙酉延綏總兵官李輔劾免


丙戌左春坊左諭德兼侍讀陳陞為侍讀學士署院

丁亥刑部尚書潘恩改左都御史大理寺卿葉鏗為刑部右  
侍郎南太常寺卿全元立為南工部右侍郎

戊子保定總兵都督僉事孫勇移延綏

四月辛卯前工部尚書劉麟卒南京廣洋衛人弘治丙辰進士  
劾壽寧侯張鶴齡歷刑部郎中守紹興忤劉瑾罷紹興人立  
小劉祠配漢劉寵也起守西安歷陝西叅政雲南按察使嘉  
靖初太僕卿進撫真定至前官寓長興三十餘年鍵戶觴咏  
若布素然年八十七贈太子太保謚清惠

李默曰坦上翁自為郡守至大卿數棄官以去朝廷慮不  
時起輒以右職徵之國家獲尊賢之名士大夫厲恬退之  
節莫不歌咏盛美蓋見素林公俊以來所希覩也晚節齟  
齬屯膏未施豈不惜哉默以為翁摛文似公幹治財如士



安剛介不撓似器之至于廉約省素家無貨積位列三事  
以功名始終此與東牟劉祖榮何以異哉世稱二劉不其  
然乎

壬辰都人飢疫賑粥藥

癸巳大風霾福建興化府雨毛又雨絲

遼東總兵官楊照巡撫侯汝諒相許免

甲午吏部右侍郎馮天馭為刑部尚書右僉都御史邢尚簡

為大理寺卿南太常寺少卿王材為南太常寺卿

乙未大理寺丞吉澄為右僉都御史巡撫遼東居庸關總兵


官署都督僉事雲冒移遼東神樞榮副將署都督僉事祝虬  
為總兵鎮守保

戊戌總理河道右僉都御史胡植回院

己亥宮人傅氏薨追封常嬪

庚子南贛招撫新民葉槐作亂圍安遠縣岑岡舊盜李文彪  
圍龍南縣各不下萬餘人

辛丑五軍營副將署都督僉事何涯總兵官鎮守居庸昌平  
旌表故蠻夷長官司副長官田苗及其子耕樹忠義坊于所  
居苗征倭死子復仇有功



虜突入延綏殺繕卒三千人

丁未搃督漕運右副都御史何遷為南刑部右侍郎光祿寺卿孫植為右僉都御史搃理河道

庚戌常嬪張氏薨

辛亥安鄉伯張鐸卒


初賊百餘舟入浙海中官兵適至馬畧河坡賊惶遽奔陸把搃章延廩設伏舟山約水兵合擊大敗又登劫周洋港胡宗憲曰賊分侵以牽我而我分擊之則墮其計宜併力合勢先其重大賊軍松門寧海告急兵備僉事唐堯佐曰賊睥睨台

州先發寧海直以走我兵耳乃留一軍海門令叅將戚繼光居中為應兵既出賊果大至

癸丑賊趨新河唐堯臣破之城下餘黨夜遁明日及之温嶺又破之而海賊以繼光來悉遁去賊他部復徧台州繼光自桐岩趨台遇賊花街敗之又及于衣陵皆自沉死

丁巳右僉都御史胡植為右副都御史搃督漕運

已未忻頭賊焚舟起擁眾趨台州戚繼光馳救誓師曰毋掠輜重尚毋首功毋輕殺首功其以前驅者連逐賊盡而割賊首畢以獻五百級予前驅者千金七百倍之千又倍之破



賊後所獲輜重徧賜軍中若賊未破而爭取財者罪死又立  
一白幟凡脅從者空手伏幟下

五月庚申朔叅將戚繼光軍于大田賊退屯大田東會雨甚賊  
自間道走仙居戚繼光曰賊出中渡至白水洋七十里我兵  
由徑路至洋五十里兵法曰先處戰地而待敵者逸策馬行  
四十里探賊率衆伏上風嶺次日兵出頗早令人各破一松  
執而坐賊望見意為林木俟其行半乃齊呼躍出賊駭走山  
上我兵乘之賊走墮坑塹者不計餘奔白水洋居民火攻之  
賊且盡蓋浙兵自譚綸後多敢力戰深入之士故累年無倭

亦或時有候者到而希矣

癸亥定京官有司官不得援納

乙丑巡撫保定右僉都御史霍冀回院

浙江湖州大雨水無禾


癸酉江南青浦縣余山涌九蛟水忽丈餘平地成河

甲戌景王之德安

乙亥旌慶王壽枋賢行

岷府南豐王彥激薨

裁淮揚督軍巡撫仍漕臣兼之提督漕運右副都御史胡植



兼提督軍務巡撫鳳陽

少傅武英殿大學士夏去

東川叛夷阿堂為其營長阿易所殺子阿哲就擒年八歲貴州宣慰使安萬銓藏東川府印以府經歷印畀故土知府祿位妻寧著攝府事照磨印畀羅雄土官者濬留水西兵三千入護東川萬銓本水西土官議者謂萬銓欲陰據東川也

刑科給事中侯廷柱御史裴天祐核各衙門軍匠厨役

丁丑御史唐繼祿以旱糴乞省修從之令京堂官自陳并察京官致仕謫降閑住戶部左侍郎劉養正工部右侍郎劉學


易制勅房辦事工部尚書張文憲署鴻臚寺事通政使吳祖乾署太醫院事通政使張鑾各劾免

己卯河南右布政使毛愷為右僉都御史巡撫保定

壬午考察朝臣降斥六十七人

丙戌罷南兵部尚書江東時池河新營兵變縛英武衛千戶吳欽事聞東被劾

戶部左侍郎傅願漕運右副都御史胡植巡撫山西孟淮巡撫甘肅胡汝霖尚寶司卿白啟常侍讀張春等俱調南京改官




勅兩廣南贛福建會討饒平盜張璉：故廣東猾胥盜帑敗  
入賊偽刻飛龍傳國之寶投池中漁出之衆驚異大埔盜蕭  
晚林朝美等推璉為長自號飛龍人主封曉等為王據詔安  
和平使晚據木窖林贊據南靖呂細斷汀漳道楊舜羅袍絕  
永定連城王伯宣入倭導倭犯潮韶牽我師粵東大震  
戊子兵部左侍郎李遂為南兵部尚書戶部右侍郎黃光昇  
為工部左侍郎提督大石富順天府尹萬家為大理寺卿  
己丑前巡撫宣府右僉都御史李良卒

閏五月庚寅朔山東萊州地震

南光祿寺卿黃養蒙為南戶部右侍郎湖廣左布政使汪球  
為右副都御史撫治鄖陽山西左布政使萬虞愷為南右僉  
都御史提督操江前兵部右侍郎張臬為南大理寺卿  
戊申巡撫陝西程軌提督陝西三邊軍務  
甲寅張臬為兵部右侍郎提督兩廣軍務河南右布政使裴  
紳為右僉都御史巡撫陝西

乙卯流盜犯江西泰和縣殺按察副使汪一中指揮王應鵬  
千戶唐鼎執僉事王應時贖歸時盜自光澤寧化突窺新城  
廣昌轉掠萬安泰和



汪道昆曰昔周節愍死華林賊公後節愍五十年同地同

官同以閏五月二十六日死節愍有子愍有妻殉難相

從則又同歸于節孝大較舉相若也

丁巳歸德地震

戊午調孟淮應天府尹胡植南光祿寺卿

四川榮山土舍張問韓甸等糾生苗掠湖廣境貴州總兵石

邦憲等討之斬百餘人問潛出探軍被擒我軍乘勝入甸巢

會雨迷失道守備葉勛百戶魏國相等中伏死

六月庚申巡撫貴州鮑道明為南大理寺卿

辛酉脩撰唐汝楫直裕王講官

庚午前總督陝西兵部右侍郎王夢弼卒

辛未唐府衛輝王宇漳薨謚端順

壬申太原大同榆林寧夏固原地震有聲寧固尤甚壞城舍


斃人無筭地裂涌水蘭州莊浪天鼓鳴

癸酉望夜月食

甲戌兵部主事許汝驥閱補薊鎮軍士

丁丑脩撰唐汝楫為右春坊右諭德

南京戶部尚書劉采工部右侍郎全元立自陳罷右通政蔡



梁降

己卯南京太僕寺卿趙鈺為右僉都御史巡撫貴州

壬午夏時王治范宗賢李遂禮周舜岳為給事中吳守伍令  
行人郝杰鄒應龍楊伯顏鯨史官尹校申佐鄭洛孫夢勇為  
試御史遂禮官校俱南京

屬夷史大史二來降初導黃台吉犯永寧龍門間以淫虐去  
之邊臣疑其詐遂斬黃首部夷十餘級以獻受之賜衣幣  
甲申提督薊遼尚書許論以侵費劾免

丙戌裁山東濟南兗州料價通判

作仁和宮


丁亥刑部尚書馮天馭劾免

巡撫大同右僉都御史楊選為右副都御史提督薊遼保定  
軍務

戊子提督大石窩工部右侍郎黃光昇為南戶部尚書

大同提兵劉漢出塞搗虜追戰我軍蹙入黑河巡撫選  
提督李文進報捷巡按御史董學劾漢失事奪其俸

七月己丑朔日食一分五秒例免救禮部尚書袁煇言臣聞唐  
一行曰君道也無耻辱之變古之太平日有不食或月變行





而避之或五星潜在其下禦侮而救之或涉交數淺或在陽  
歷陽盛陰微或德之未休明而有小青馬則天為之隱雖交  
而不食此四者皆德教之所由生也 皇上父事天兄事日  
群陰退伏萬象輝華與不食同 上悅

癸巳南刑部尚書蔡雲程為戶部尚書巡撫山東朱衡為工  
部右侍郎山西按察使陳其學為右僉都御史巡撫大同  
裁江南青村南滙二把總

甲午右諭德兼侍讀吳情侍讀吳杰主試應天  
已亥南贛巡撫楊志伊失事免江西巡撫張元冲暫加兼理

軍務討賊總督尚書胡宗憲兼節制江西發兵應援贈汪一  
中光祿寺卿詹錦衣百戶

壬寅盜入江西玉山縣


南右副都御史盧勳為南刑部尚書山東左布政使謝東山  
為右副都御史巡撫山東江西左布政使陸穩為右副都御

史提督南贛汀漳軍務

湖廣鎮守參將署都指揮僉事俞大猷移鎮南贛

乙巳萬春宮成

庚戌虜犯宣府分數道入副總兵馬芳拒卻之斬十八級擒



十四人

辛亥裁蘇松練兵同知改海防同知兼水利

壬子刑部左侍郎趙大佑為南右都御史江西左布政使胡松為右副都御史巡撫江西

八月己未西苑田獻瑞劾告太廟群臣疏賀

壬戌南京御史林潤劾總理鹽法左副都御史馮懋卿貪黷五罪不問兩淮額六十萬驟益百萬勢張甚妻綵輿從行長史伏謁至文錦飾廁白金飾溺器厨傳供張甚侈行部淳安知縣海瑞抗言色僻不能容軒車懋卿怒甚然素聞其強項

斂威去慈谿知縣霍與瑕亦清鯁不詘俱中之落職

甲子洗馬兼侍讀裴宇侍讀胡正蒙主試順天

辛未金星晝見

諭閣臣語楊博備倭博上守禦机宜命即行之

庚辰饒州賊陷福建南靖縣

乙酉提督湖廣川貴董威拾遺調外

前提督糧儲右副都御史毛思義卒


前太子少保禮部尚書孫承恩卒字貞甫江南華亭人正德

辛未進士授編修使安南進左中允歷侍讀學士少詹事至

國權

嘉靖四十年

十五



前官年八十一卒有遺表所著使交紀行稿使郢稿百像贊  
讓溪草堂全集今贈太子太保謚文簡

九月戊子朔太原知府於惟一廉潔前歲虜患搃兵王懷邦縱  
掠箠掠者驅城外懷邦失事屬勘惟一持之堅巡撫孟淮以  
私請不聽遂劾惟一士民大譁晉王疏留雜封啟以進上  
不悅戒諭之惟一竟去任太原人如失怙恃

張璉破南靖縣賊

己丑逮江西福建都指揮王端張啟謨俱通賊敗事

癸巳搃理益法左副都御史鄔懋卿奏派各運司殘益得百

萬金有奇

廣寧把搃指揮吳庶千戶郎松以二百人護經歷王鑰魯亨  
解銀至海州新臺值虜死之

甲午勅岷王定燿約束宗儀王言宗人染蠻風不習禮義乞  
降勅從事

己亥福建山盜陷鎮海衛


庚子兵部郎中許汝驥還自薊鎮言土兵不練巡撫張瑛鑄  
一級調外搃兵官張承勛下御史逮繫

虜六萬騎犯居庸關岔道口官軍禦之前搃兵官姜應熊先

國權

嘉靖四十年

十六



進圖于南溝創甚叅將胡鎮力戰奪應熊以歸虜遁  
辛丑蘇松常鎮杭嘉湖七府大水平地水深數尺累月不退  
停秋租折漕仍賑之

提督京城巡捕署都督僉事李琦為總兵官鎮守寧夏


甲辰刑部右侍郎葉鏗為左副都御史鄔懋卿為刑部右侍郎  
郎提督南京糧儲右副都御史呂光洵為南工部右侍郎巡  
撫四川羅崇奎總督湖廣川貴軍務

封許鎮吉世子攝府事年八歲  
神机營副將署都督僉事孫臍為總兵官鎮守薊永山海

進胡宗憲少保戚繼光都督僉事義烏知縣趙大河為按察  
僉事專練兵士

丁未太僕寺少卿徐紳為右僉都御史王重光入衣水部尚  
已酉前南戶部尚書盧紳卒陝西咸寧人嘉靖癸未進士令  
四川遂寧進工部主事歷副按察使至前官誠懃敦行居官  
雖無顯聲去後恒見思其孝友恭儉秦人式之


南京操江右僉都御史萬虞愷為右副都御史巡撫應天河  
南左布政使雷賀為右副都御史巡撫四川  
採木事竣詔提督湖廣川貴右副都御史李憲卿工部郎中



李祐張國珍並還朝憲卿初言臣督郎中張國珍李祐副使  
張正和盧孝達所部叅政游震得副使周鎬僉事于錦先後  
深入永順邛桐樓梭江叅政徐霈僉事崔都入容美副使黃  
宗器入施州金尚叅政靳學顏入永寧迤東蘭州儒溪副使  
劉斯潔入黎州天全建昌董策入烏蒙叅議繆文龍入播州  
貞州酉陽僉事吳仲禮入永寧迤西落洪班鳩井鎮雄程嗣  
功入龍州叅政張定入銅仁省溪叅議王重光入赤水猴崗  
僉事顧炳入思南潮底汪集入永寧順崖而湖廣巡撫趙炳  
然御史吳百朋各先後親歷荆岳長常四川巡撫黃光昇歷

叙馬重夔御史郭民敬歷印雅貴州巡撫高翀歷思石鎮黎  
御史朱賢歷永寧赤水臣自趨涪州六月上瀘叙巨材所生  
必于深林窮壑崇崗絕筍人跡不到之處經數百年而後至  
合抱昔尚書宋禮及近時尚書樊繼祖侍郎潘鑑採得逾尋  
丈者數株今三省所採視前亦已超絕第所派長巨非常圖  
員難合望勅部量材酌用允得木萬一千二百八十大匠徐  
杲善規合法始勝任

歸有光曰大抵荆楚雖廣山木少採且險遠必俟雨水而  
出而施州石坡亂灘迂回千里貴陽窮險山嶺深峭由川



長大川河以達城陵磯蜀山懸隔千里排岩批谷灘急漩  
險經時歷月始達會河而吏民冒犯瘴毒林木蒙籠與虺  
蛇虎豹錯行萬人邪許摧軋崩萃鳥獸哀鳴震天吸地蓋  
出入百蠻之中窮南紀之地其艱如此昔稱雍州南山檀  
柘而天水隴雨多材木故叢臺阿房建章朝陽之作皆因  
其所有金元氏營汴新宮採青峰山巨木猶以漢為唐之  
所不能致憲卿乃獲之山童木遁之時發天地之藏助成  
國家億萬年之丕圖其勤至矣  
漕運叅將馬陽輝為署都督僉事提督京城巡捕

壬子李邦義陳瓚林命陸鳳儀為給事中韓君恩陳萬言張  
士佩成守節熊迥為試御史鳳儀士倫並南京  
免保定河間真定順德廣平大名旱災田租  
丙辰採木都御史李憲卿回院南大理右寺丞為南右僉都  
御史提督操江


大同零虜出沒搃兵劉漢令平虜城守備劉晉臣追之被執  
十月辛酉嚴山東登萊海禁

宗室越閩入京者禁給駟令順天尹解回  
壬戌山西副搃兵都督僉事馬芳進左都督

國權

嘉靖四十年

九



丁卯閩廣盜自邵武轉掠鉛山貴溪叅將戚繼光擊破之擒斬六百人走建寧還陷宜黃南贛兵敗之始道

戊辰總督薊遼楊選進兵部右侍郎

庚午起守制浙江按察副使譚綸領浙兵即湖廣討賊御史

段顧言協計用兵

甲戌巡撫宣府遲鳳翔貪虐被劾逮入京起前操江右僉都

御史趙孔昭巡撫宣府

禮科都給事中邱岳劾應天考官右春坊右諭德吳情試錄

刊後屢改侍讀胡杰失救正謫吳情廣東市舶司提舉杰廣

平通判

丁丑封宙林唐王宣址江安王萬鈺永慶王俊居溧陽王勤

燭魯山王朝瑚脩武王表楠寧河王弼幹鉛山王瑄封永年

王胤初清源王載壕永爵王珂璠方城王厚燭棗陽王載燧


盟津王載坂上蔡王多煥安樂王萬燠靈邱王

定內府工役萬一千一百七十人錦衣衛萬六千四百人光

祿寺三千六百人太常寺千一百人

癸未淮王厚燾獻鄱湖白鴈告太廟

丙戌罷戶部左侍郎劉大賓趙貞吉時稽邊餉推右僉都右



御史霍冀兵科都給事中張益劾其避事

宣府副總兵左都督馬芳為總兵鎮守宣守

巡按直隸御史黃紀劾黃花鎮守備太監紀陽貪殘不法內

鎮盡草獨留黃花鎮宜裁去從之逮陽詔獄陽証紀索賄并

逮紀面質調大理寺評事守備不復補

十一月丁亥朔起趙炳然右僉都御史

選薊鎮標兵

壽光閣清熙殿成

甲午太子少保禮部尚書袁煒進太子太保戶部尚書兼武

英殿大學士直閣

戊戌曹文炳嗣豐潤伯

庚子禮部尚書郭朴回部罷太子太保吏部尚書歐陽必進

改朴吏部尚書兼官如故時推朴及南禮部尚書李璣任禮

部上責必進等撰玄諸臣久不擅改茲擬朴何也必進等

謝咎勒致仕嚴世蕃猶然誇于人口用必進上無若我何

棄必進我亦無若上何


大同總兵劉漢罷

辛丑告郊廟社稷禱雪

國權

嘉靖四十年

三





癸卯順天府尹呂時中為戶部右侍郎總督倉場督理西苑農事

庚戌虜二萬餘騎犯陝西寧夏螺山城柱泉小鹽池薄固原循下馬関而西殺掠數日始遁

叛人邱富率虜攻榆坡不克中流矢死

總督陝西程軌防秋令陝西總兵曹世忠中軍金谿以千總王節把總陳源殿虜襲陳源率壯士五百人力戰世忠走保老鼠窰軌走保花馬池王節登寒垣南奔源遂戰死軌等棄弗之援冬夜凍僵率相覆而死虜遂東掠安邊定邊西至


螺山焚掠慶王園圍軌井世忠令未被掠諸城堡焚積聚畜牧皆困斃全陝大震

前右都督姜應熊為副總兵協守宣府福建巡撫劉燾以盜熾調外

辛亥夜西苑萬壽宮災乘輿服御及先世寶物盡燬禮部請頒詔脩省以非正朝不許上暫御玉熙宮

甲寅總理河道右僉都御史孫植為南大理寺卿福建右布政使游震得為右僉都御史巡撫福建

十二月丙辰告郊廟社稷以宮災是日御馬殿廡又火



丁巳工部尚書雷禮言玉熙宮湫隘請及時脩萬壽宮上  
是之嚴嵩以大朝殿方急俱煩費欲上還大內則不敢乃  
請徙南城之離宮南城英宗故稱太上皇之時所居也  
上問徐階為規畫營萬壽宮甚詳三殿有餘材其小而不  
中程者可當萬壽宮且費省而力易上大悅專責雷禮提  
督階子尚寶司丞璠兼工部主事同閱視

丙寅虜犯遼東陷蓋州熊岳駙殺指揮楊世武等提兵官雲  
冒免

丁卯大理寺左少卿王士翹為右僉都御史總理河道

前南工部尚書王學益卒江西安福人嘉靖己丑進士授工  
部主事歷兵部郎中福建副使應天府丞撫貴州平苗雖被  
劾削籍後論功起故秩至前官


戊辰協理戎政兵部尚書王邦瑞卒河南宜陽人正德丁丑  
進士館選坐藩戚出守廣德歷南史部郎中陝西提學僉事  
至兵部右侍郎庚戌虜變提督團營更營制定三大營進尚  
書以仇鸞陰中奪官十年起今任嚴毅有執器識甚偉筮仕  
四十年所至有建立其廉節尤著贈太子少保謚襄毅

己巳張鉉嗣安鄉伯張鐸之弟

國權

嘉靖四十年

二十三



庚午免承天水災田租

辛未南京振武營都指揮僉事吳英為署都督僉事總兵官鎮守遼東

故江西副使汪一中既陣亡妻宜人陳氏絕粒死贈淑人立祠樹坊旌之

壬申 上禱雪凝道軒

癸酉錦衣衛左都督朱希孝直西苑仍率官校衛大玄都及西安門兵部左侍郎葛縉亦率營兵入衛鎮遠侯顧寰援縉例入衛時 上復自玉熙徙玄都殿聞京中多盜意大營兵

入衛徐階謂外兵衛宮禁非便請緹卒衛京師而營兵列宮城外報可

陝西總督程軌延綏總兵官孫勇失事免官

丙子起江東太子少保兵部尚書協理京營戎政

丁丑提督南贛汀漳右副都御史陸穩以內地兵易逃亡請郡縣徵直募邊兵充用報可


兵部尚書楊博以五軍營參將尹秉衡選萬二千人戍居庸鎮邊 上諭侯警乃發

南京振武營都督劉顯領蜀卒勦江西盜傳其闕不補

國權

嘉靖四十年

二十四



已卯脩萬壽宮

總督漕運右副都御史喻時總督陝西三邊軍務

辛巳刻故禮部尚書胡濙衛生易簡方

故 府檢校劉秉仁贈太僕寺丞

徵點蒼石屏五十于大理巡撫蔣宗魯奏罷之

景王上書請荊州沙市得旨民間洵思遁承奉其來索地

知府徐學謨酒之仲宣樓上承奉指沙市地笑曰賴天子之


靈此為安陸湯沐矣徐謨曰沙市固王土天子不即賜大邦

而令有司勘給則有司事也祖制親藩自歲祿外不侵民業

即有請亦甌脫餘澤耳未有籍編氓析稅壤以自肥者夫荆

依沙市稱郡無沙市是無荆也置守謂何璫語塞學謨許歲

輸租五百金巡撫張雨竟判輸租二千



國權

嘉靖四十一年壬戌

正月丙戌朔

壬辰大風霾

丙申吏部大計

嚴訥為禮部尚書李春芳為吏部左侍郎董份領詹事府

京師地震

庚子真定府天鼓鳴星隕晝有色光

國權


嘉靖四十一年

一



國家圖書館, NATIONAL CENTRAL LIBRARY, TAIWAN, R.O.C.

鹽官設遷孺木著



總督宣大李文進言敗將劉晉臣歸自虜中云叛人邱富去  
年十一月十日死謝玄頒賞金幣撫按

乙巳命入覲各官逋賦毋遷轉  
免崇仁等縣及淮安兵災田租

丙午科道拾遺劾山東左布政使王宗沐等調之

丁未巡撫江西胡松上政軍五事曰閩廣賊蔓三省夾勦戒  
漳南武平寧建各道推諉曰賞功曰節制客兵曰改兼理軍  
務敕書曰選才略許之

兵科給事中鄧棟上查理薊鎮軍需數時虛耗以巨萬計命

嚴治之

辛亥高拱陳陞為禮部左右侍郎

巡撫南贛汀漳陸穩上言弭盜

李遷陳堯為右副都御史巡撫四川保定


二月乙卯朔裴宇為侍讀學士署院

已未大學士袁煇禮部左侍郎董份主禮闈

庚申毛鵬為右僉都御史巡撫寧夏

辛酉罷親耕親蠶時禮久不行然禮官猶狗故事請寢之

初山盜犯福建懷安巡撫游震得檄指揮王冕率二衛卒福



州通判彭登瀛率鄉兵勦之登瀛失利歸罪于毫方震得管  
毫斬隊長以下四人三衛軍俱不服會兵備副使汪道昆閱  
于教場率噪格殺鄉兵數人屯城南久之乃散  
壬戌命戶部進二十萬金為內用仍別貯二十萬備取  
倭陷福建永寧衛城脅指揮王國瑞等降之  
釋前巡撫遲鳳翔獄調外  
逮故延綏提兵官趙應至京以去年失事也  
巡撫雲南蔣宗魯被論調外  
乙亥山東德州大風雨魚大者數寸其地為九龍廟


吳鼎為都督提兵官鎮守寧夏  
南太常寺卿王材署南祭酒  
已卯兩廣總督張臬勦山賊張璉以狼兵十萬與福建江西  
夾勦臣駐惠潮福建巡撫游震得駐漳州南贛巡撫陸穩駐  
永定從之璉饒平之烏石村人毆族長死亡命入害賊鄭氏  
蕭氏黨璉與蕭氏分部而強縱掠汀漳及寧都連城瑞金陷  
雲霄鎮海衛南靖等城

錦衣衛都指揮僉事嚴嵩孫鵠獻白兔靈芝方士藍道行獻  
瑞龜皆告太廟群臣表賀

國權

嘉靖四十一年

三




戊寅前湖廣布政使右叅議楊言卒浙江鄞縣人正德辛巳  
進士授行人遷禮科給事中爭大禮廷鞫謫判宿州稍遷溧  
陽令歷南吏刑部郎中坐忘謫守夷陵起荊州知同四川按  
察僉事至今官年七十五

張時徹曰嘗讀戴記見夫忠而獲謗信而見疑流離擯斥  
或齒劍以死蓋深心傷之矣夫祿爵者士人之始願也生  
者性情之大欲也舍所願欲而徼其所不欲不以華袞毀  
操不以嚴誅改舌豈其性獨殊哉亦誠有所好也方後江  
楊公為給事中適大禮議起廷臣不當上旨元輔去禮卿

去諸曹言者去繼祿爵哉推此志也即有些窳之行君子  
猶將諒之而况讒口不根卒從放免以死悲夫

壬午甘肅副總兵許經為中軍都督僉事總兵官鎮守固原  
去冬十一月虜陷塞夜跣遁是日盡完諸所穿鑿塞徑復旋  
師虜又乘隙攻定邊花馬池守將徐仁任勇堅守別遣勅騎  
搗其族帳虜乃西犯寧夏副總兵王勲棄清水營虜遂穿塞  
深入勲懼誅墜城赴虜死得褒卹虜遂犯本鎮之蕭家堡游  
騎掠固原隆德靜寧之北鄙經與中軍雷龍率諸將禦之戰  
於苦水至塘土溝逐北至官橋堡斬八十一級





前廣東道御史劉鞅卒湖廣衡陽人正德丁丑進士授行人  
諫南巡改南國子學正嘉靖初拜原官敢直言憂去不復任  
年八十一

沈鈇曰予觀前詰若鮑氏若桓典莫不稱忠而壽則未聞  
若李密若王祥莫不稱孝而忠則有間公于忠孝兼之且  
去見道之一矣故出則為名御史而社稷是賴處則鄉先生  
去沒而可祭于社也

三月乙酉朔曹忬為右副都御史巡撫雲南  
戊子成都地震

己亥策貢士王錫爵等二百九十九人賜徐時行王錫爵余  
有才等進士有差

增陝西省城叅將

宣大總督右都御史李文進卒

己酉萬壽宮成 上悅其速加恩徐階朱衡有差

四月甲寅朔命江東總督宣大軍務

乙卯 上御新宮舉迎恩大典五日群臣表賀


丙辰大風霾

庚申土蠻大舉寇遼東攻東關駙錦川營從之 上聞發旨擇

國權

嘉靖四十一年

五



兵部左侍郎葛縉兼右僉都御史往督視軍情縉舉武庫司  
郎中張志孝京營副將劉大章自隨報可

癸酉方士王金進五色龜靈芝 上大悅授太醫院御醫命  
成國公朱希忠告廟表賀

甲戌瑞兔又生二子 上曰玄恩重示延生之祥特為罕遇  
命駙馬都駙謝誥詔告太廟建謝典

直隸順義縣地震

辛巳蔡汝楠為兵部右侍郎協理戎政趙炳然為左副都御  
史

五月乙酉御史顏鯨言倉場四弊曰官吏索常例曰輸納草本  
價不及時領曰領價多有力者曰報商不實不若官自召買  
設主事領之部言其非 上從部議

丙戌 上廣憂寇徐階言都督劉顯率兵叅將俞大猷副之  
若廣兵先勝即往福建萬一失利留廣中宜令江西紀功御  
史段顧言監顯等軍尋以劉顯兵少乞調永順土官兵  
丁亥劉顯為廣東總兵官


張永明為刑部尚書

巡撫湖廣張雨回院仍右僉都御史

國權

嘉靖四十一年

六



胡堯臣為右副都御史巡撫河南

裁延綏定邊營游擊都司二員增副總兵一

遼東屬夷王呆遣虜入寇東川堡撫順副總兵黑春率游擊徐維忠等敗之春手殺數十人備禦劉晉亦敗虜于核桃山共斬百四十九級上曰將吏用命玄賜也賞督視軍情侍郎葛縉等功有差

上憂南寇南贛巡撫陸穩言三月中署平和縣府知事胡期亨典史設蘊領鄉兵敗之城下擒五人斬三十二級總督兩廣張臬亦報程鄉賊王子雲陳福保等皆就擒上大悅歸

感玄恩論諸臣功有差

壬辰榆林兵亂時游擊高廷相築三壘川堡飢民應儲就食或掠田蔬副總兵張琮榜掠者因大噪入劫掠商賈都司謝朝恩等擊斬四十餘人乃定下總兵孫曹勇等于獄廣東盜張璉蕭曉就擒斬千二百有奇

丙申先是御史王納講奏兵備副使姜廷頤失實補外


或言納講嘗索廷頤賄故論之吏科給事中沈淳等以不得

聞言比者公論混淆如雲南左叅議谷鍾秀在都御史喻時則薦之龐尚鵬則劾之工部侍郎王廷用在科臣李瑜則劾

國權

嘉靖四十一年

七



之在巡撫劉燾則薦之一人之身乍賢乍愚必有歸一部院  
覆議鍾秀廷用皆公論不與失在薦者納講雖外補宜重罰  
遂降納講二級調外

停選庶吉士時進士多賄營有貸司禮太監黃錦者錦以聞  
方選進士五十餘人試東閣忽報罷閣臣亦不知也

改漳州南路叅將為副總兵以楊縉為之從胡宗憲請也

朱衡為吏部右侍郎方庶為右副都御史巡撫湖廣

命廷臣條議理財

壬寅少師大學士嚴嵩免御史鄒應龍劾嚴嵩子世蕃專利

亡厭私擅爵賞每一開選視官之高下而低昂其直及過陞

遷則視缺之美惡而上下其價刑部主事項治元以萬三

如

千金從其家人嚴升<sup>年</sup>以進轉吏部稽勲主事貢士潘鴻業以

二千二百金得臨清知州從中書嚴鴻以進他又何所涯際


耶至交通關節不下百十餘人伊子錦衣衛嚴鵠中書嚴鴻

奴嚴年中書羅龍文為甚年自號鶴山嵩買田宅揚州儀真

間至數十處主之者家人嚴冬也如臣言不實願斬臣首以

謝嵩 上曰人惡嚴嵩久矣朕以其力贊元修玄壽愛國特

加優眷乃縱醜逆之子負朕其令致任給傳去歲給祿百石



下世蕃等錦衣衛獄初方士藍道行以箕幸 上故有所問  
密封使中官至箕所焚之不能答則咎中官穢中官乃合方  
士啟示而後焚之每答具如旨 上一日問今天下何以不  
治對曰賢不竟用不肖不退耳則問其賢否曰賢如輔臣徐  
階尚書楊博不肖如嵩 上復問嵩誠不肖上真胡以不震  
而殛之曰上真殛之則益用之者咎故弗殛也 上心動鄒  
應龍避雨一內侍所內侍言狀遂劾嚴氏稱旨進應龍通政  
司右叅議嵩猶為世嵩求解 上曰念若忠勤已加優處又  
何以克兒瀆救嵩乃引咎法司竟成世蕃烟瘴衛鵠鴻龍文


年冬等邊衛 上特宥鴻為氓使侍嵩老蓋猶念嵩也治元  
逮至瘦死鴻業論成初嵩欲整階 詘節卑體又沉幾自將  
嵩無如之何而陰計僥嵩權者久矣  
免山東巡撫謝東山以千戶林棟百戶李仁捕盜株及平民  
有死者被劾也

乙巳設江西平遠縣即程鄉之太平營

丙午下藍道行獄論死嚴世蕃詞其陰事 上思嚴嵩贊之

功意忽 不樂乃諭徐階等欲傳位退居西內專祈長生階

諫 上曰必皆仰奉上命闡玄脩仙乃可臣下有再言嵩者



併鄒應龍斬之矣嵩知上意動乃賄上左右各十萬金發道行怙權及矯稱玉詔諸奸利不法事遂得罪刑部侍郎葉鏜鄔懋卿誣伏前偽狀引徐階不聽當嚴氏時階于賂遺不盡却而所推舉多廉士至是盡反高政務收人心用物望嚴杜筐篚獨浮慕骨鯁及稱說理道揣摩希望者或中其奸嵩在事操各部權米益不遺六卿束手階多謝卻已酉設寧前道兵備副使


辛亥周如斗為右僉都御史巡撫應天

壬子虜復攻遼東鳳凰城轉掠湯站堡副總兵黑春逆戰虜

佯北追入中伏被圍數重力戰二日夜同把總田耕等死之事聞贈春都督同知立祠

六月癸丑朔于江西興寧廣東程鄉安遠福建武平四縣間城之曰伸威以俞大猷為協守南贛汀漳惠潮副總兵方逢時為廣東兵備副使彈壓之增設把總三

總督江東言虜患以來謀臣經略亡慮數家有脩邊築堡血戰之說凡此之計皆已見矣萬不得已惟保全邊堡一策最切要其說有十積穀也各徵營選卒也練土兵共守也增城濬池也築大墩便耕牧也造雙輪備戰守也擇將睦陣也信



賞必罰也厚恤間諜也禁近軍通虜也部覆從之  
大學士徐階請增閣員上不悅曰有旨卿等知有同心輔  
政者何不具聞階等媿謝不敢妄增上意乃解  
已未孫植為工部右侍郎  
前河南巡撫右副都御史潘壻卒  
浙江叅將戚繼光以七千餘人援閩倭屯寧德之桂嶼環水  
險隘官軍踰年不一戰繼光令人填束葦而進遂大破之俘  
九十餘人斬二千六百餘級焚溺七美又敗福清牛田寇追  
殲之興化


辛酉徐陟為南大理寺卿

壬戌井陘民兵亂露刃脅兵備副使李一瀚索舊餉勉給之  
事聞誅首惡數人調一瀚

庚午張璉伏誅兵部擬獻俘上即命彼地梟之

丁丑令雲南按察副使陳善嘉興通判海瑞慈谿知縣霍與  
瑕俱調用善已進司叅政巡按御史孫用劾之瑞先令  
淳安與瑕令慈谿俱清鯁不屈總理鹽法鄔懋卿巡鹽御史  
袁淳劾之俱落職瑞調興國知縣

許通政司叅政譚綸終制



己卯大理寺卿萬霖刑部右侍郎鄔懋卿太常寺少卿萬虞  
龍以御史鄭洛劾免降虞龍四川按察僉事

七月癸巳戶部集廷臣上理財議十四事省兵食慎調遣先節  
省完積逋清屯糧牧馬匹均脩邊停外例處銅價減供應杜  
奏留議補助議漕河工銀定稅法

戊戌瑞兔四各生二子表賀已賀嘉禾


癸卯西苑田產嘉禾一莖三穗者有二雙穗者三十一告太

廟百官表賀

庚戌薊鎮喜峰口地震

八月丙辰兵部尚書楊博上防禦事宜在薊鎮則畫地分區步  
兵列牆拒守騎兵接伏應援以守為戰在宣府則山南山北  
增布兵馬在宣大則遠哨廣備清野堅壁在山西則嚴拒陽  
坊等口在保定則分防紫荆等關以戰為守從之

丁巳上以醮事急索龍涎香而宮災時有私收得者戶部  
尚書高耀密購八兩以進上大悅倍給七百六十金進耀  
太子少保耀附嚴氏嚴氏敗又為固位計小人患失如此  
乙丑重錄永樂大典禮部左侍郎高拱右春坊右諭德管司  
業事張居正各解原務入館校錄供兼學士同左諭德兼侍





讀瞿景淳充摠校官居正仍以右中允兼脩同脩撰林煥  
丁士美徐時行編脩呂旻王希烈張四維陶大臨檢討吳可  
行馬自強分校初大典貯于文樓上甚好之及三殿遭災  
上聞變即命左右登樓出之甲夜中諭三四傳是書得不燬  
至是遂另錄其一他貯焉

丁丑陳陞秦鳴雷為禮部左右侍郎

九月甲午朔更奉天殿曰皇極殿華蓋殿曰中極謹身殿曰建  
極文樓曰文昭閣武樓曰武成閣左右順門曰會極歸極東  
西閣門曰弘政宣治奉天門曰皇極百官表賀詔告天下閣


臣請大赦 上以赦為小人之幸彼拽石運木者誰與不許

丙戌遲鳳翔為大理寺卿

癸巳左都御史潘恩罷恩子允端進士授刑部主事尋改禮  
部禮科給事中張益言允端干進罷恩調允端南工部

丁酉命發帑錢七百萬糴穀入京通二倉備賑從御史顏鯨  
之言

工部右侍郎劉伯躍南刑部右侍郎何遷南右通政胡汝霖  
南光祿少卿白啟常前湖廣巡撫張雨廣西按察副使袁應  
樞右春坊右諭德唐汝楫南太常寺卿署祭酒王材俱劾免



劉伯躍汝適嚴嵩孫應樞嵩壻遷躁進好名其撫江西厚餽  
嚴氏汝霖兩貪恣不檢啟常匿喪轉光祿至粉墨塗面供世  
蕃歡笑汝楫父事嵩得及第與材同出入臥內交通請託至  
是各被論蓋嵩專政而耄日夕奉玄委柄世蕃世蕃狡黠頗  
諳往牒時四方多事輒據舊典叅綜陳說每諸司閔白嵩必  
曰與小兒議之世蕃故凶侈無賴遂受賂無忌朝士群而趨  
之至是朝署始為清矣樞卿之幹局份之文學汝楫之門第  
使守慎恬靜皆可坐致通顯乃甘為市井奴隸之行身名俱  
辱何哉


戶部定邊儲不完降罰格

庚子奪故提督魏謙吉贈廕祭墓前福建巡撫王詢削籍以  
工科給事中張鳴瑞追論謙吉貪暴詢佞諂也

壬寅故肅王妃請世孫紳堵不俟服闋即嗣封從之自後非  
邊藩不許陳乞

丙午戶科都給事中何燧上五事寬民力懲賍吏重糾察勵  
士風禁奢靡從之

播州土司仍屬四川而貴州思右兵備道兼制播州平邑等  
土司蓋嘉靖初改屬貴州也



戊申遼東巡撫吉澄劾罷

召呂光洵李登雲為工部左右侍郎孫植為刑部右侍郎


廣東布政使進龍涎香五十七斤有奇

已酉張永明改左都御史

辛亥王之誥為右僉都御史巡撫遼東


十月甲寅勅讓伊王典樸御史林潤言其宮室僭制肆惡虐民  
上幸赦弗誅怙惡不悛日甚一日宜追還所侵奪者裁額外  
軍校典樸連奏辨禮科劾之宜罪輔導等官遂責其悛改具  
以狀聞

戶部覆戶科給事中趙灼等言賦役五事曰乘穀賤糶穀備  
賑曰東南糧役除內官白糧仍准收外其餘俸糧俱付戶部  
轉發曰覈江南北田糧曰墾近邊永平豐潤玉田遵化薊州  
密雲等閑田曰京商困悴由外解不時及富民漏役如校尉  
官匠等止復其身其兄弟子侄勿庇從之  
詔戶兵二部議禦盜治盜方略  
瞿景淳為侍讀學士署院  
免江西水差田租有差  
御史林潤上言國初支庶不繁定例因略今麟趾螽斯其麗



不億視昔數百倍矣嘉靖初議者言河南惟一周府今郡王  
三十九將軍至五百餘中尉儀賓不可勝計舉一府而天下  
可知也今距嘉靖初又四十餘年矣所增可推也天下歲賦  
糧供京師四百萬石各王府祿八百五十二萬不啻倍之如  
山西存留米一百五十二萬石而祿米三百十二萬石河南  
存米八十四萬三千石而祿米一百九十二萬石是二省之  
糧借令全輸已不足供祿米之半况吏祿軍餉皆出其中乎  
故自郡王以上猶得厚享將軍以下至不能自存飢寒困辱  
勢所必至嘗號呼道路聚而詬有司守臣不惟懼辱且懼變

天下無可增賦之理而宗室蕃衍不已可不為豫計哉今議  
者言當令親王皆如國初遼韓伊岷肅諸王之制祿皆二千  
石或云郡王而下宜中半折支亦如朝官例儀賓而下如外  
有司例或云親王袒免而下則從庶人之例月支米三石或  
云不宜遽削于今日推定制于方來或云定子女之數以杜  
詐冒或云開應舉之途弛商賈之禁言人、殊臣謂宜大臣  
科道集議仍頒諭諸王以勢窮弊極不得不通之意今宗藩  
曉然知賦入有限共陳善後之策章下禮部覆從之  
丁丑刑科給事中陳瓚言近日壟斷之徒多慕嶺南饒富得



肆漁獵雖卑而縣尉亦不惜重金求之膏血日殫故有張  
璉嘯聚之禍蘇松諸郡吏于糧長之設始立空役而索其財  
已代通負而償其賦在坊長則有上官過客之費在庫役則  
有宴餽衙吏之需視富室為仇讐而誅求百出用重罰為常  
典而科取不貲即吳粵而天下可知也乞撫按嚴禁又閩廣  
之盜流突江右有城則可守無城即受僂乞撫按脩築從之  
廣東官兵追獲巨盜林朝曦等初朝曦據巢不下出攻程鄉  
知縣徐甫宰嚴兵待之又主簿梁維棟說散其黨朝曦奔陰  
那山追獲之潮寇悉平

十一月辛巳朔虜犯山西神池等處大掠數日而去總兵官吳  
徵詐稱戰功御史王好問劾之詔逮徵

癸未起復王廷南刑部右侍郎胡士夔為右僉都御史巡撫

延綏


延綏總兵官趙奇分兵出神木堡搗虜于半坡山出定邊營

搗虜于茨菱湖共斬百十九級

福建官兵擒龍山賊蘇阿普斬之

命御史姜倣倣求法士秘書于天下臣民有進者賞

丁亥逮少保總督浙閩兵部尚書胡宗憲入京左副都御史



趙炳然為兵部右侍郎巡撫浙江罷提督浙直不補南戶科給事中陸鳳儀劾宗憲敗橫貪淫十大罪也

張鼎曰浙直中倭六七年更提督數人費金錢動巨萬迄無成功公奉命授計遣將或勦之內地或徼之海外倭生還者少矣其擒徐海誘王直功尤奇論者謂其誘賊用辨及間用謀厚賊妻子而招其來餌賊女色而盡其聽散賊爪牙以孤其勢至賊黨內亂而從中滅之縱橫顛倒妙莫出奇東南數百年免倭患皆其再造力也抑公可謂社稷臣矣而以橫賞受乾沒名下獄仰藥死悲夫兵死地間奇


術也非捐數十萬金亦安能令人走死地而設奇術必中哉且功不成必為財漏卮何如成功而享太平贊朽寧可勝校耶豪杰舉事固未可為尋常文墨道也

庚寅前南祭酒鄒守益辛字謙之江西安福人正德進士免湖廣災傷田租有差

丙午毛愷為左副都御史回院

起馬森南工部右侍郎張舜臣戶部左侍郎

巴酉伸威營副提兵俞大猷為提兵官鎮守福建仍駐伸威營改福建提兵曰分守聽節制



倭陷福建興化先是十月浙倭登福寧連江陷壽寧政和寧  
德等縣廣倭登福清長樂陷玄鐘所延及龍岩松溪大田古  
田而浙江叅將戚繼光與總兵劉顯既連敗倭繼光還浙值  
倭自福清之東營澳登岸斬百八十餘級遂行而閩倭日至  
攻圍興化且匝月瞰守者之怠夜梯而上叅將畢高叅政翁  
時器繼城宵遁署印同知奚世亮知縣周尚文縣丞徐九經  
葉德良見殺倭據城至明年二月乃敗劉顯來援已陷薄城  
而營伺賊隙劉顯素有威名謂旦夕破賊既久持時恨其養  
寇後贈世亮福建布政使右叅政尚文九經德良太僕寺丞

各廢監

倭破興化乘勝以四千餘人攻仙游西鄉叛民附之環城三  
匝知縣陳大有曰吾誓死此城存亡敢遁者斬賬分伍戎  
服宿城樓間出砍其營創流星飛鈎之制而賊之竹牌雲梯  
輒摧敗賊竭攻技隨方破之相持五十餘日戚繼光兵至擊  
賊去之


十二月辛亥朔王廷為戶部右侍郎總督漕運

上宮中禱雪

國權

嘉靖四十一年

九



辛酉甘露降顯陵松上守備太監張方及奉祀都督僉事蔣

華等以進 上大悅告郊廟

壬戌南兵部右侍郎丁以忠致仕

乙丑夜月食雲隱不見

丁卯百官表賀甘露雪

乙亥延綏巡撫孫慎類報斬虜百八十三級陞賚有差

胡宗憲逮至 上曰宗憲起御史皆朕擢用非嵩黨三呈乞

瑞近上玄秘皆致一手書任事數年不聞指摘近鄒應龍發

嵩奸邪諸臣復彈罷大臣不已本兵始議獲王直者五等封

官今罪之後來誰與我任事其釋令閑住

張鳳曰自嵩父子怙權文華挾寵出督江南師而賄德章

矣尚書經各番軍興費受緹騎逮誅督撫邦輔以不能讓

奇功中白簡戍至胡少保乃醉酒嫚罵而揮之曰四千金


謂不予則無以飽其望而生得失予之則無名而已有所

不甘也然而猶之賄矣其于嵩父子豢之令為我用亦賄

也嗟乎大將立功于外而借賄賂以結權貴之援豈正法

哉然而少保功高亦以橫費不免焉不賄則身危而功不

成賄則幸成功而受惡名以死疆場之臣難言哉蓋千古






蹈斯弊也

設遷曰胡宗憲以倜儻非常之才仗鉞東南鯨波就恬值  
嚴氏柄國情好稠密所謂未有權臣在內而大將能立功  
于外者言路深論而九重鑒原真駕馭英雄之良法也

上輦未嘗過郎署賢于漢文遠矣

湖廣巡撫方廉餽兵科都給事中邱樺五金樺劾之罷廉并  
論兩廣提兵官平江伯陳王謨下錦衣衛南司魏大經于法  
司  
虜犯遼東海金等處大掠七百餘里殺擄凡二萬提兵官吳

樞畏不敢出


















國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.










3393421 v. 38

國家圖書館, NATIONAL CENTRAL LIBRARY, TAIWAN, R.O.C.





國權

穆宗契天隆道淵懿寬仁顯文光武純德弘孝莊皇帝諱載

世宗第三子母康妃杜氏嘉靖十六年正月癸卯生周恭列

晬盤取龍旗印石奇愛之己亥二月朔同莊敬太子景王受

冊封裕王是日卿雲見莊敬冊寶誤致於王世宗聞之曰

天命也癸丑婚李氏繼陳氏既景王薨世宗雖諱立儲人心

攸屬嘗議內禪不果丙寅十二月庚子世宗上賓裕王入

治喪


國權

隆慶元年

一

國家圖書館, NATIONAL CENTRAL LIBRARY, TAIWAN, R.O.C.

鹽官談遼孺木著




辛丑頒遺詔嚴京城守衛

戊申禮部左侍郎潘晟工部右侍郎徐綱詣永陵  
夜京師地震

壬子 上即皇帝位詔曰惟我祖宗聖聖相承至治鴻功超  
越乎千古暨我 皇考大行皇帝以經文緯武之德建安內  
攘外之勲增光先朝垂庇後世幸方永賴遽爾上賓特厘馮  
几之言屬以神器之重朕茲 在疚本不忍聞而文武群臣  
下及耆老軍民合詞勸進至于再三辭拒弗獲乃遵遺詔以  
是月二十六日祇宗天地宗廟社稷即皇帝位明年為隆慶

元年仰惟末命之昭垂深望繼述之兼善俛焉自省豈所能  
矜然而先志不可不成聖訓不敢不奉是用推類以盡義通  
變以宜期衍舊恩適弘新化所有合行事宜條列于後云  
嗚呼觀耿光而揚大烈方勉盡于孝思贊帝軌而翊皇猷寔  
有資于忠蓋允爾有位尚體朕心各摠匡輔之誠共保昌熙  
之祚

正德十六年四月以後終嘉靖建言得罪諸臣遵遺詔召用  
卹錄方士王金陶傲申世文劉文彬高守忠陶世恩俱下錦  
衣獄唐秩章冕等為民餘受太常寺官及真人高士盡革去



齋醮之所下禮部議處工部料價等竹木等南京內府各衙  
門段匹器皿香蠟柴炭匠役等光祿寺品物酒飯等但因齋  
醮工作加派者俱停革織造採買等項除陝西織絨河南廣  
東織葛廣東採珠買黃白蠟降真香及福建買龍涎香雲南  
採寶石採礦金江西陶器并各處採芝悉停止其浙直織造  
內臣具即回京隆慶元年漕米特折十之三餘起存本折特  
免十之五嘉靖四十四年以前兵部牧馬草場子粒牧馬匹  
虧課工部羅段綉絹麻鉄魚鰓翎毛皮張天鵝筋角漆料白  
榜紙砍柴木炭檯柴等銀及二卯銀如逋欠盡蠲之餘如常

釋戶部主事海瑞獄

甲寅改造隆慶大統歷

丙辰給太廟罷內殿之祭

隆慶元年丁卯

正月丁巳朔免朝賀封奏如常儀故事正旦浹旬不奏事通政  
司以新政請

桂陽州藍山縣大水


戊午御宣治門群臣奉慰

葬常殯高氏王氏

國權

隆慶元年

三



議大行皇帝謚

己未議生母榮淑康妃杜氏謚

庚申大理左少卿鄒應龍為太僕寺卿

辛酉吏科都給事中胡應嘉等言喪禮稍暇每朝罷必御文  
華殿令輔臣面議裁決事屬六部則召對諸卿義當問難則  
顧問儒臣又前代宰相入閣議事必諫官隨之國朝六科輪  
直亦其遺意乞此後更番隨入聽面折是非或退而叅論  
上是之

錄建言得罪諸臣通政司樊深都給事中邱樞楊思忠尹相


魏良弼李用敬左給事中陳瓚給事中吳時來周怡沈東顧  
存仁趙軌張選袁世榮御史何維栢趙錦張登高黃正色方  
新張檟凌儒申仲王時舉馮恩郎中徐學詩周冕主事張翀  
董傳策劉世龍唐樞大理寺丞<sup>正</sup>母純德是日補瓚時來吏科  
軌禮科世榮兵科儒登高浙江道新江西道檟湖廣道錦維  
柏河南道山東道時舉山西道翀傳策刑部餘需次

吏部請卹諸臣第為三等一慘死若兵部員外郎楊繼盛左  
中允郭希顏錦衣衛經歷沈鍊給事中楊允繩宜贈廕諭祭  
一杖死若太僕卿楊最編修王思給事中薛宗鎧何光裕裴

國權

隆慶元年


四



紹張原御史浦鉉曾翀葉經主事周天佐仵瑜臧應奎殷承  
叙宜復官贈廕一謫死若左侍郎唐胄都御史李璋學士豐  
熙脩撰楊慎編修楊名檢討王元正贊善羅洪先大理左少  
卿徐文華都給事中張紳張侃劉濟劉琦御史馬錄程啟元  
盧瓊陳讓桑喬包節王宗茂余翹方一桂貞外郎劉魁郎中  
余寬黃待顯陶滋相世芳王與齡僉事章鑰宜復秩贈官吏  
部尚書熊浹諫止箕仙御史楊爵彈擊權倖當與杖死同卹  
從之贈少保謚恭肅

王世貞曰嘉靖遺詔卹錄言事得罪諸臣雖倣改元詔旨

最為收拾人心機括惜乎吏部奉行之臣未諳典故故倉  
卒奏請不能無舛如熊太宰之加少保少保三孤也非部  
所宜定議也此一舛也得罪諸臣當酌其事理之切直心  
之赤誠與否而後劑之今但以禍輕重為主致郭豐城得  
之卹反優于楊富平此二舛也翰林春坊自有本等階級  
可贈今于贊善修撰皆光祿少卿是外之也此三舛也都  
給事御史止贈通參大理丞其有遺悞而撫按題請者超  
三級為太常少卿致仕官亦如之此四舛也自後言官所  
舉尤為挂漏如石文介瑤少保致仕而稱太子太保彭襄



毅澤致仕加少保而亦稱太子太保故復贈少保林貞肅  
俊致仕加太子太保而止稱刑部尚書故復贈太子太保  
今獨林公改正而已楊文品一品十二年滿加太傅固辭  
而止又與蔣文定俱封伯亦固辭而止楊不當僅加太保  
蔣不當僅加少師此則執政之悞也

癸亥吏部左侍郎陳以勤上謹始十事定志保位畏天法祖

愛民崇儉攬權用人接下聽言 上嘉納之

丙寅 上御宣治門視事

脩永陵勅內官監太監王昂工部右侍郎徐綱

奪工部尚書徐杲及其子錦衣指揮文燦官


丙子南禮部尚書葛守禮為戶部尚書起郭宗臯刑部右侍  
郎樊深通政使

丁丑上 孝悌淵純慈懿恭順贊天開聖皇太后尊謚康妃杜氏

戶科給事中張憲臣工科都給事中王元春吏部郎中余敬  
中為浙江江西廣西右叅政編修李貴御史李廷龍為四川  
河南副使

前刑部侍郎鄔懋卿匿嚴氏成邊

追奪故真人邵元節陶仲文官誥籍其家





徹西苑諸宮殿額初議盡毀之禮部惜其費僅去額

已卯萬壽節免朝賀

辛巳吏科都給事中胡嘉應削籍應嘉劾吏部尚書楊博考  
察失公私憤謫給事中鄭欽御史胡維新閣臣郭朴以應嘉  
佐察復撓察典越法重擬而應嘉前劾高拱俱疑出拱意于  
是兵科給事中歐陽一敬等論救侵拱徐階薄擬應嘉謫外  
拱疑階之嗾一敬也隙滋甚然應嘉傾險善評士論輕之  
設遷曰上甫即位遽譴言路何以杜將來之口安陽不  
解事其右新鄭適所以喙之也華亭元宰初不出一語陰

餌拱于叢棘之上誠智老而滑矣

壬午侍讀學士張居正為禮部右侍郎兼學士洗馬殷士儋  
為侍讀學士署院

兵部主事海瑞為尚寶司丞右通政鄭世威為右僉都御史  
甲申命齊庶人于南禮部注籍減給婚娶


丙戌言官拾遺南刑部尚書錢邦彥右僉都御史劉秉仁吏  
部郎中劉孝仍任調南太常少卿吳遵工部左侍郎張守直  
南工部右侍郎汪鏜太常少卿羅良

賜叔祖慶王三百金紵絲鈔羅各十五端錦三端鈔二萬貫

國權

隆慶元年

七



叔楚遠岷韓潘襄益衡諸王金鈔如之紵羅紗各十端弟晉  
魯蜀代准德榮諸王各二百金錦紵羅紗鈔同上姪周荆崇  
吉侄孫趙王管秦府事隆德王敬鏐管唐府事庶長子頌煥  
同上靖江王亦如之  
除藩邸莊田加稅

二月戊子 上祭太社太稷徹音樂初太常寺請遣官禮部言  
禮三年之喪至大祀越紼從事不敢卑廢尊也宜躬祭樂設  
而不作

庚寅外戚錦衣衛指揮人僉事杜繼宗封慶都伯正千戶李銘

德平伯副千戶陳景行固安伯各祿千石

辛卯大理寺丞唐繼祿為右少卿福建左布政鍾卿為光祿  
寺卿

命遼東總兵移遼陽使海州瀋陽之援冰解還廣寧防土蠻  
壬辰罷海神之祭

故刑部尚書鄭曉贈太子少保謚端簡


巡撫雲南呂光洵遷南工部尚書申維嶽為署都督僉事總  
兵官鎮守陝西

癸巳定朝儀自翰林科道鴻臚尚寶如近例餘叙資品

國權

隆慶元年

八



襄王厚頰薨謚曰莊

甲午起林雲同刑部左侍郎

魏尚純為工部左侍郎林潤為太常少卿提督四夷館周怡為南太常少卿

命中外歲盤錢糧專于巡按不會巡撫其五年京盤并入歲盤專勅各邊巡按御史

乙未立 皇后陳氏

登極恩徐階子中書舍人瑛進尚寶少卿李春芳郭朴並少保舊講官高拱進少保兼太子太保武英殿大學士陳以勤


為禮部尚書兼文淵閣大學士張居正為吏部左侍郎兼東閣大學士並直閣殷士儋為禮部右侍郎

釋故四川按察僉事趙祖鵬獄祖鵬里居被訐奏所作詩訕上及儲橫不法論死

丙申順天府丞李邦義為南鴻臚寺卿


丁酉雲南左布政使陳紹儒為順天府尹

議錢法馬政戶部言禁偽錢餘舊錢聽民間無行其稅課等准收錢兵部言災傷郡縣每馬折八金五年審收並從之先是太僕少卿武金請去種馬可得金百二十萬許之初種馬



北七萬南三萬歲五萬京解其一給各軍後寄牧順天屬縣  
曰寄養山西陝西又設苑監官牧上苑馬匹中苑七千匹下  
苑四千匹陝司茶馬司洮河西寧等衛蕃族給金牌四十一  
納馬萬四千五十一匹白差發給茶百萬斤取于蜀後金牌  
制廢止給茶易馬似立市云

何喬遠曰馬之始有政也其如夏人之助乎為我養馬駒  
餘餉畀馬戶所謂出其力以助耕公田所以宣德正統之  
間馬養而至于山東河南皆馬駒也馬而不能孳生孳生  
而不能駒而不能成馬是害馬而已矣害馬者不樂養  
馬者也間謂其人為我養馬者也而腹削之繩束之不馬  
矣謂其所受地廣也而割其餘以賦他民其牧地不廣不  
馬矣死而責之償而值過當不馬矣皇親貂璫之家請  
牧地則與之不馬矣故曰害馬者不樂養馬者也王濟武  
金之賣種馬也猶乎葉淇之賣鹽也不曙其大而徒以多  
金為功夫國初之有馬也不金而多駒也今也以馬價之  
金還出之畿內之州縣鬻馬以備邊價須三十金所鬻之  
馬不直數金也此何取賣種馬而多金者也夫金也者人  
之情也一見而侵漁生馬始也見駒而不見金其既也駒



多而金多惜乎如菜實之不待其熟也魚之不待其尺也  
鬻種馬之謂也

戊戌福建左布政使陳用賓為右副都御史巡撫雲南

右副都御史李一翰予告

加恩藩邸官較及內臣太監黃錦廕錦衣指揮僉事錦衣衛

太保左都督兼太子太保朱希孝進兼太子少傅餘各有差

已亥故延綏副總兵黃演贈都督同知以小芹河戰沒

庚子鄭大經張齊王之坦李貞元莊國楨胡楨為給事中張

應治徐尚為南戶兵科給事中

辛丑上 孝潔恭懿慈睿安莊相天翊聖肅皇后 孝烈端

順敏惠恭誠祇天翊聖皇后尊謚加恩內臣黃錦廕錦衣指

揮僉事王本馮保廕正千戶胡明喬朗曹憲廕百戶餘有差

下徐杲獄太監李芳劾其脩廬溝橋侵費也竟追成


壬寅禮科給事中辛自修為太僕少卿

癸卯大賚廷臣吏卒父老

曹邦輔為左副都御史吳百朋為大理寺卿

趙奇總兵鎮延綏郭琥降大同副總兵

甲辰加謚元妃李元孝懿皇后



定孝潔皇后祔于 世宗廟別祀 孝烈皇后于景雲殿改  
日弘孝

汰內府匠役濫官時太僕少卿二苑馬卿二布政司叅議二  
郎中一員外郎三餘鴻臚寺丞光祿寺正等銜至百數內官  
監太監李芳請裁革下吏部斥減有差  
察免工部主事劉子廷奏辨編置塞下

乙巳加謚皇子翊鉞為獻懷太子翊鈐靖懷王皇女追封蓮  
萊公主太和公主

罷玉芝宮歲仍日膳從禮部議視南京奉先殿也然 睿祀

皇帝與 高廟稍異即日膳猶黷

前刑部郎中徐學詩為南通政司右叅議

遼東提兵官王治道敗虜于白雲山

丙午新寧伯譚功承卒

趙貞吉吏部左侍郎兼學士署詹事府


戊申減內府歲供米麥菽丹礬銅蠟等額

壬子故御史曾翀子綬入太學翀劾尚書汪鉉被杖死

乙卯中宮千秋節免命嬪賀

三月丁巳安鄉伯張鉉署前府

國權 隆慶元年



庶吉士陳經邦陳懿德周子義戴洵為編修張秩許國林偕  
春高啟愚陳思育成憲沈鯉沈淵為檢討李存文陳行健管  
大勳嚴用和韓禕王璽為給事中王嘉言王永吉楊一桂吳  
學詩王湘李良臣楊允中鍾繼英為御史  
夜木星逆行守亢宿

己未南太常寺卿郭汝霖自免

庚申南禮部尚書林庭机致仕

辛酉脩乾清坤寧二宮

降雲南提學僉事萬廷言二級調外言科給事中周世選

劾工部尚書雷禮私恣中傷光祿寺丞廷言外補禮疏辨吏  
部覆言廷主事不五年陞光祿丞出之雲南猶為儒臣禮安  
得與從之

裁內官監屬增給從太監李芳之請


甲子禮科左給事中王治上四事曰宗廟之禮 獻皇帝嘗

北面事 武宗今位 武宗之右揆之 古典終為未合且祔

太廟千萬歲後不免遞遷若專祀世廟則億萬世不改曰朝

講曰親輔弼曰謹燕居 上是之

乙丑吏科給事中鄭大經兵科給事中張齊刑科給事中曹



當勉工科右給事中王謨各勞邊

己巳太僕少卿李邦珍為南京右通政

庚午鑄查刷光祿寺及湖廣江西山東河南直隸上江江北  
監兌主事之章

直隸提學御史耿定向奏科場主考官宜選學行不論年資分  
考取卷正備俟裁文限字六百提學官驗硃墨解部監生編  
號同諸生從之

復貢士坊費嘉靖三十七年減助餉至是浙江巡按御史王得  
春言之

大理寺卿吳百朋為兵部右侍郎兼右僉都御史仍提督軍  
務巡撫南贛勦岑岡盜

壬申 世宗葬永陵祔 孝潔孝恪皇后

癸酉戶科都給事中徐公遴為太僕少卿

貴州宣慰司土舍安國亨貢馬


定大臣謝疏初南戶部尚書馬森奏謝因命禮部酌例議廷  
臣值大慶及令節止稱賀餘陞賚俱廷謝外官如常儀督撫  
陞賚許疏謝

己亥故南兵部尚書李遂贈太子少保予祭葬

國權

隆慶元年

古





御史王得春上四事清宮闈禁諛諛慎題覆嚴旨選從之

丙子鑄日本等國雲南各宣慰司金牌信符

丁丑 世宗祔太廟同 孝潔肅皇后

戊寅禮部左侍郎師宗記降太常寺少卿太僕寺少卿魏學

詔袁好禮降寺丞皆羽流濫躐自是限用科目

己卯 上御皇極門復常儀

庚辰祀 孝恪皇太后于神霄殿祔 孝懿皇后

大學士徐階等請開經筵許之

辛巳南太常寺卿周怡改北

壬午冊貴妃貴李氏賢妃汪氏

毀紫極殿紫宸宮改建翔鳳樓尋閣臣言官力止之

吏部左侍郎吳嶽為南禮部尚書太僕寺卿鄒應龍為太常

寺卿南刑部右侍郎徐陟疾免

甲申脩 世宗實錄勅太師成國公朱希忠監脩少師大學

士徐階少保大學士李春芳郭朴高拱大學士陳以勤張居


正總裁禮部尚書高儀詹事府吏部左侍郎趙貞吉吏部右

侍郎陸樹聲署院禮部左侍郎潘晟右侍郎殷士儉副之左

諭德兼侍讀姜金和等纂脩

國權 隆慶元年

七



乙酉諭開經筵日講

故侍刑部左侍郎安福劉玉贈尚書予祭葬謚端毅  
虜犯遼陽長安堡指揮王承德戰沒贈都指揮使指揮宋世  
舉都指揮高惟忠及副總兵楊四畏下巡按御史訊之

四月丙戌朔享太廟定西侯蔣祐等百五十餘人不至奪月俸  
御史陳聯芳上五事資輔弼之益時御使殿召對務從諫之寔重詔  
令之施慎爵賞之權近日傳奉世襲官槩罷復執奏之規報聞  
丁亥戎政兵部左侍郎王本固改吏部  
己丑南吏科給事中岑用賓御史尹校等拾遺刺及大學士

高拱閣臣例無拾遺 上切責之南刑部尚書錢邦彥工部

尚書呂光洵仍免

京山王勤炫內江王承慶稷山王胤柯薨


庚寅南吏部右侍郎瞿景為禮部左侍郎湖廣左布政使淳

畢鏘為太僕寺卿

兵科都給事中歐陽一敬再劾高拱專擅國柄亟宜斥 上  
以拱舊講臣不聽

辛卯南贛巡撫吳百朋奏高砂盜求撫許之

癸巳勅太師成國公朱少師大學士徐階知經筵事少希忠



保大學李春芳郭朴高拱并大學士陳以勤張居正等同知  
經筵事

南京廣東道御史李復聘等劾高拱切責之拱失徐階意嘗  
會食拱曰公在先朝草青詞媚 上宮車甫宴駕而即背之  
今又結言路必逐舊帥臣何也階答曰言路多口故多我安  
能盡結而攻足下且足下獨不能結之耶我非背 先帝欲  
收人心使恩自 先帝出青詞固我罪獨不記在禮部之時  
先帝密札問我拱有疏願得效力于醮事可許否今此札尚  
在拱乃媿沮


丙申禮部言郊廟諸祭太常寺止奏日不奏時故陪祀多失  
期今後日時並奏從之

起劉采南工部尚書趙大祐刑部右侍郎改郭宗臯兵部右  
侍郎協理戎政提督操江右僉都御史盛汝謙為大理寺卿  
兵部尚書趙炳然致仕

庚子傳制封臨川王恬燾沁水王瑄塔

禮部尚書高儀請立皇太子不允

重錄永樂大典成進徐階俸正一品李春芳郭朴高拱並少  
傅陳以勤太子少保張居正禮部尚書兼武英殿大學士祭



酒林嫌加太常寺卿侍讀呂旻王希烈脩撰諸大綬並左春坊左諭德脩撰丁士美進右諭德各兼侍讀編脩孫鉉張四維為左右中允各兼編脩脩撰馬自強編脩陶大臨並餘金侍讀餘賜金幣

設遷曰萬歷末永樂大典不存抑火失之耶

南兵部尚書郭乾改北大理右少卿唐繼祿為右僉都御史提督操江

治延綏丙寅失事諸將罪

壬寅暑讞釋輕囚

癸卯南光祿寺卿江治為太常寺卿

乙巳襄府隆慶王載塢改封鄖城王載塢嫌與紀元同

大理寺丞溫如璋為右少卿

許吏部右侍郎林樹聲養疾


工科給事中李貞元奏劾高拱剛愎褊急無大臣體亟宜罷不聽

丙午禮部尚書高儀等言我朝列聖相承每接見輔弼延訪大臣或同游咏和或燕對無時明良喜起太平之業端肇于此我皇上登極數日即出御門朝宁威儀已復祖宗

國權

隆慶元年


六



之舊但大廷之上體統森嚴拜起唯諾勢相懸隔若止循例  
具文上有懷而不得問下有見而不敢陳竊恐情意不接見  
聞日壅諸司奏牘中外事机豈能一一盡白于聖衆耶今山  
陵已畢講幄後舉惟便殿親政尚未之及伏望朝罷即御文  
華殿撫臣隨入其部院大臣不時召見賞罰黜陟典禮刑獄  
軍机会計凡當酌議者特降清問許部院陳述始末輔臣即  
擬可否睿斷親裁科道官各輪二人隨進如議擬未當許公  
同評正 上報可卒寢不行  
丁未始御經筵宴會極門賜金幣

復鄔景和駙馬都尉給事中張鹵御史陳聯芳等訟其誣  
前吏科都給事中尹相禮科都給事中魏良弼加太常寺少  
卿戶科給事中張選加通政司左叅議南京浙江道御史馮  
恩加大理寺丞大理寺正母德隆南兵部主事劉世龍加尚  
寶司少卿各致仕吏部以先朝遺直而年七十以上例宜陞秩  
示優也


徐階御恩語吏部曰建言中有望雖素著年力衰遲者宜酌  
處時馮恩年七十五竟加大理寺丞致仕魏良弼等六人並  
如之階弟侍郎陟曰柰何為馮恩一人而過五老哉此輩皆



天下人望抑困若若干年而不一一起非朝廷獎直拔滯之意  
設遷曰華亭當國好結言路而于先朝遺直不無褊心焉  
魏良弼馮恩齒髮未衰遽在引年之例蓋意有所嘆也朝  
廷優老之德乃為政府行其私耶

戊申戶部尚書葛守禮等言山東直隸有司變法起科太重  
徵派不均夫制因田制賦按籍編差國有常經今不論籍之  
上下惟計田之多寡故民皆棄田避役沂費郟滕之間荒田  
彌望招墾莫應今行差役將舉山東為沂費郟滕也夫工匠  
傭力自給以無田免差富商大賈操貨無羨亦無田免差至  
襁襖胼胝終歲勤動乃更受其困此所謂舛也乞下明詔正  
田賦罷科差使小民不離南畝則流移漸復農事可興又國  
初徵賦戶部定倉庫額價分派各省小民照倉上納完久瞭  
如定年定條鞭法不倉不石每畝銀若干吏胥因緣為奸增  
減洒派弊端百出宜罷條鞭法均稅額從之

設遷曰吾浙龐尚鵬立條鞭法民甚德之而葛守禮極言  
其弊非齊人獨累也兩浙人多力穡故田重齊人多逐末  
故田輕、重之間而利弊形矣雖然法無全利日生弊生  
即吾浙今不為山東耶



已酉尚寶司丞海瑞為大理寺右寺丞南太僕寺卿袁洪愈  
為南光祿司卿

吏部議太常鴻臚卿仍用進士別途得為少卿任久加俸加  
房中書舍人不得陞九列

庚戌南刑部尚書趙大祐改南兵部尚書

禮部右侍郎殷士儋改吏部右侍郎通政司樊深為刑部右  
侍郎

壬子復鄭世子載堉冠帶

刑部尚書黃光昇致仕

癸丑故巡按陝西御史浦鉉孫朝柱入太學

甲寅故新建伯南兵部尚書王守仁贈新建侯謚文成太保

左都督周尚文贈太傅謚武襄少傅大學士蔣冕贈少師謚

文定少保吏部尚書喬宇贈少傅謚莊簡禮部尚書汪俊贈


太子太保謚文莊太子太保戶部尚書王杲贈太子太傅刑

部尚書喻茂堅贈太子少保少詹事黃佐贈禮部右侍郎右

僉都御史朱方贈右副都御史各予祭南禮部右侍郎呂柟

贈尚書謚文簡太子太保吏部尚書武英殿大學士石琚贈

少保謚文介追奪尚書顧可學徐可成侍郎朱隆禧郭文英



贈謚告身仆其諭祭等碑奪侍郎張電詰時謏奪工部甘尚  
書甘為霖祭壘禮部言為霖雖庸劣非雜流比得免

太僕寺少卿李一元為鴻臚寺卿

平虜衛地震

套虜數犯陝西

五月乙卯東安縣馬頭村人晨起望西三五里見地有流水之  
勢渺茫白色近視無有也後萬歷二年渾河衝為河道果驗  
南禮部右侍郎裴宇為南吏部右侍郎巡撫應天謝登之為  
通政使

南右都御史孫植為南刑部尚書南大理卿吳悌為南刑部  
右侍郎


太常寺卿林爌為禮部右侍郎兼學士

丁巳 上告廟請 太祖高皇帝配北郊

戊午召南吏部尚書毛愷于刑部

己未新河成引鮎魚諸泉薛沙諸河注馬壩三河口淪舊河  
脩馬家橋隄過河出飛雲橋者盡入秦溝漕道大利

吳道南曰此役之興凡不免為盛應期之續非其心必欲  
害成也或者見不中確懼非常之原耳





庚申提督四夷館太常少卿林潤為右僉都御史巡撫應天

起陳陞南禮部右侍郎

辛酉 上視南郊

盜殺 保康知縣張士勳

六月甲申朔開館脩實錄

虜二千餘騎犯山西朔州參將麻錦追擒二人斬十三級

戶部員外郎林喬相秩滿請贈生母許之仍著為例

乙酉新河鮎魚口驟水溺人舟亡筭

丙戌歸隆慶懷來等庄田于有司

戊子戶部尚書葛守禮母老終養

己丑量釋高墻庶人

壬辰京師霖雨兵部郎中鄧洪震言災異叠見豈無致之者

陛下臨朝端拱未嘗清問民情奏章少覽聞後宮游幸嬪御

充斥左右近習恩廕徇情賜予頗濫號令非一前後背馳惟

陛下惕然深思暫罷游宴務戒齋感格勅戶工二部覈民田

定傾沒之數量行蠲恤 上是之


癸巳 上視朝宴輟日講禮科給事中何起鳴戶科右給事

中張鹵等以為言報聞

國權

隆慶元年

二十三



甲午召南戶部尚書馬森于戶部工部左侍郎魏尚純為南  
工部尚書

丙申諭脩省

初御史張櫟請皇極等殿門仍 太祖舊額太監李方言南  
北郊合祀並下禮部議曰我 皇祖名奉天殿蓋明王奉若  
天道之意 先帝因變鼎新之更曰皇極義取洪範他殿閣  
名先後雖殊意各有當非臣下所輕議 皇上善繼善述允  
事奉遺詔若殿門等額遺詔未載今山陵甫畢一旦舉而盡  
更之在所未忍周禮園邱方澤之制甚詳天地分祭在成周

已然秦漢皆主分祭自後分合靡常議主分祀十之六七主  
合祀十之二三程頤朱熹號稱大儒一則曰冬至祭天夏至  
祭地此何待卜一則曰天地不當合祭我 太祖初建園邱  
方澤亦倣周禮洪武十年改合祀 世定議定四郊如洪武  
初制非 先帝創之實遵 聖祖初意若復輕改臣等未見  
其可 上從之


上閔水災命各御史分賑京民

叙河功工部尚書朱衡進太子少保右僉都御史潘季馴進  
右副都御史先後河臣陞賚有差


國權



隆慶元年

五



戊戌 上素服避殿御皇極門脩省  
巡撫浙江右副都御史張師載疾免  
覈內府各監局積貯  
已亥停工役  
辛丑 兵部覆御史王友賢邊務六事重將領嚴清勾革贖畫  
罷關稅 山海關 清撫賞節貢夷 上是之  
壬寅 裁畿內冗官  
癸卯 戶部左侍郎劉體乾為南戶部尚書起趙孔昭右僉都  
御史巡撫浙江





國家圖書館, NATIONAL CENTRAL LIBRARY, TAIWAN, R.O.C.

